

# عصام سلطان - يرسل رسالة إلي أبو الفتوح :



الخميس 25 يوليو 2013 12:07 م

## اصحى يا نايم .. وحد الدايم ..

أخى الدكتور عبد المنعم أبو الفتوح .. بلاش الحنية الزيادة وأنت بتتكلم عن الخائن القاتل المنقلب ، وتذكر القسوة والكره لدرجة العمى حين كنت تتكلم عن المنتخب ..

أخى الدكتور عبد المنعم .. صدمة الناس فيك كبيرة ، هرولت إلى الطرطور بمجرد إشارة ، وتمنعت عن المنتخب لمرارة فى نفسك لم تستطع التغلب عليها ..

أخى الدكتور .. عمرك ماكنت أبدا بتاع لف ودوران ، وكلام فى كلام ، ومسك العصاية من النص ، وتصفية حسابات شخصية بحتة ، وسكوت على حق واضح ، وطناش على باطل أوضح ..

أخى .. تعالى إلى رابعة العدوية ، لدعم البسطاء الذين يدافعون عن أصواتهم فى أكثر من عشر جولات انتخابية خلال عامين .. بلاش حكاية الاصوات .. طب تعالى لدعمنا ضد الانقلاب زى ما دعمناك فى الانتخابات .. هى مش السياسة بردو خذ وهات ، مصالح يعنى .. ؟ والا انت نظامك وان وى .. ؟

بصراحة أنا مشفق عليك ، لا يحطك التاريخ جنب البرادعى وشفيق وبكرى وعكاشة وإلهام ودحلان وبهلوان ..

خليك مع الغلابة تكسب .. وشيل الاخوات ومكتب الارشاد والشاطر والارتكاريا من دماغك ..

والله العظيم ٨٠% من اللى هنا مهومش اخوان .. ! دا احنا معانا ليبراليين ويساريين وناصرين ، مسلمين ومسيحيين ، متدينين ومش متدينين ، وفى ناس مابتصليش خالص وما بتصومش وهما أحرار ، ومحدث له دعوة بحد ، الاحترام المتبادل يسود الكل ، وضد الانقلاب ، وبس ..

اعتبرنى بالتكلم بالنياحة عن اصحابك واصدقائك واخوانك واحبابك اللى زعلانين منك اوى ومش راضيين يكلموك من كتر الزعل ، واللى كانو واقفين معاك فى جولة الانتخابات الاولى ، ضد الكل بمن فيهم مرسى ، يعنى مش اخوان ولا حاجة ..

أسهل حاجة كنا فى الوسط عملنا زيك بالضبط ، واتلكنا بخلافنا المعروف مع الاخوان ، بس كنا هندوس على مبادئ كتييبير اوى .. ومكناش هنعرف ننام بالليل من تأنيب الضمير ..

يارب نشوفك زى ما كنت زمان ، واقف مع الحق من غير حسابات و لا توازنات ..

انت بتفكر فى إيه ..؟ هو انت و حمدين صباحى فاكرين إن السيسى هيعمل انتخابات رئاسية وهترشحوا نفسكوا مرة تانية ..؟ اصحى ياراجل ياطيب .. اصحى يا نايم .. وحد الدايم ..